

# OMUKWETU

Registered at the General Post Office as a Newspaper



Apilili 1974

NO.7

MOMBINZI YE OMO MWA ZI OMBILI YETU NA KALUNGA

"Osho sha opalele Kalunga muKristus mu kale egwano alihe nokupanga ombili omolwombinzi yomushigakano gwe, opo a hanganithe ayihe mu-Kristus, yomegulu noyokombanda yeve." Kol.1:19-20

Oontamanana pokati kaantu naKalunga osho omukundu gwa za nale gwa landula omapipi nomapipi. Ihe okuza pomimvo dheyovi limwe nomathele omugoyi (1900)ngashingeyi dha piti,Kalunga okwa thikitha elalakanano lye okukandula po omukundu nguka. Naashika okwe shi tsakani-thile mOmwana Kristus.

Omuyevangeli Johannes ota koleke oshili ndjika sho ta nyola: "Me-udho lye (megwano lyaKristus) tse atuheni otwa powa mo esilohenda lya gwedha kekawo." Joh. 1:16.

Okuyapo kwaKristus monyama okwa li ku na oshinima shimwe ashike, osho okuhanganitha omuntu naKalunga. Okutunga ontopa tayi taagulukwa ombogo yopokati komuntu naKalunga. Okudhiladhila shono she etwa po oshipe sha za moshilonga shehanganitho, nena otatu dhimbulukwa unene ombinzi yaKristus nomushigakano gwe.

Kristus ombinzi ndjika okwe yi tula omuthindo momadhimbulukwo getu, kutya kayi shi okukana mo mokati kokukalamwenyo kwomuntu kehe sho a ti:

"Oshitenga shika osho ehangano epe lyomombinzi yandje ndjoka tayi mu tilahililwa okudhima po oondjo. Onke ngoka ita li olutu nduka ye ita nu ombinzi ndjika, kee na omwenyo muye mwene." Joh.6:53

Manga omushigakano Paulus ote gu popi kutya ogwo oohkondo kumboka taa itaala lKor. 1:18

Okutala moshipala shefano li li kombanda yoshifo, otwa fa itaatu lesa mo unene ondhilo yaangoka a lengelwa uuyuni a tya ngaaka. Nonando a langekwa omukwaniilwa guuyuni, omusindani, oshipala she otashi tala mevi ongope na natango mboka taye mu lengitha. Oshipala shomuleli gwaayihe oshu udha natango uuwehame unene.

Ethimbo tu lyeni mulyo nongashingeyi, natango aantu oya kuthathana po omukwawo nomukwawo noya kuthathanapo naKalunga. Oondjo natango odhi li pokati komuntu nomuntu nopokati komuntu naKalunga. Ombimbeli tayi ti: "Ondjambi yuulunde oyo eso," onke oshipala shomumangululi nomuhanganithi otashi tala mevi sho inaa pitikilwa a pangele nomokati kepipi lya tya ngeyi.

Omapulo ge ngaka te ga pula ndje oga simana natango: Kombanda ye-vi ndi, Oko nda yangele, Nda ningi Omukulili, Ngaye ndi ku hupithe Onde ku endelee, Oho endelee lye?

Nda sile eso ndyo, Lyaa shi kutumbulwa, U mone ekulilo, Nda li nde ehamekwa, Onde ku kondjele, Oho kondjele Iye?

++++++

Tate ita pangula nando oye, ihe epangulo alihe okwe li gandja kOmwana, opo ayehe ya simaneke Omwana ngashi taa simaneke He. Ngoka ita simaneke Omwana, oye ita simaneke wo He nguka e mu tumu. Oshili tandi mu lombwele; Ngoka tu uvu oohapu dhandje noti itaale, nguka a tumu ndje, oye e na omwenyo gwaaluhe, ye ita ka pangulwa, ihe okwa za mo meso nokwa ya momwenyo..... Joh. 5:22-24

++++++

+++++

+++



OMBIRA LIHEENA SHA

Enyumuko la yandja omwenyo kounyuni

Mateus 28:1-7

Enyumuko laKristus otali ti shike? Ovamwameme ovaholike, kape na enyumuko lihee na eflyo, ndele ohashi dulika pa kale eflyo lihee na enyumuko. Enyumuko keshe tali ka ningwa ile la ningwa nale, oli na okukala la tetekelelwa keflyo.

Olyelye hano ta dulu oku tu udifila enyumuko, manga ine tu udifila eflyo? Komatango Etitano ola li efiku lolwoodi, efiku lomilaulu, efiku leflyo. Komushiyakano wopokati okwa mwena filu - Odjona a dipawa. A ya mo meflyo. **Ckwa ya mo meflyo loovene ngozunhu ta nu mukwao ondjuba opo e mu natepo.**

Ongula yOshoondaxa, Kristus a bafuka ko ngomufindani. Elaka olo tali hokolola nokutya Kristus okwa nyumuka, olo ekandanga tali imbwa, onghalu tai kaluka, "Omunaita munene, eflyo a findwa." Ekwamukuli la mangwa lo la teywa eenyala nomayoo. Onghee eengudu domatanho otadi imbi "eonga kafindani" Ongerki onghwakristus kai na vali enyamukulo limwe kelaka eli, lihefi ngeno eli, kutya "Halleluya".

Enyumuko laKristus olo oshilonga shaKalunga mwene. Oshitya shOshigreka **Иже** (eegerthee) oshi li molupe lokulongwa; tashi ti, "okwa nyumunwa." Kalunga okwa nyumuna Jesus opo a wanife ouyuki waye. Enyumuko laJesus kali fi oshinima sha wedwa po ngeno ombaadilila, ahowe. Olo oshinima shomeshikulafano laKalunga okuxupifa unyuni.

Jesus mwene okwa hongwa ovahongwa vaye nghee e na okuhepekwa nokudipawa, ndele ngeenge pa piti omafiku atatu, ota nyumuka koufi Mark. 8:31. Osheshi Kalunga okwa longekida a kulile unyuni naMessias waye, onghee ite mu efa a ole .Ps.16:10. Kalunga okwa xupifa Omona meflyo nomoku shi ninga, okwa xupifa unyuni mokufya. Ehokololo loilongaxupifo yaKristus, itali xulile ashike komushiyakano, osheshi ngeno vahapu otava pundukifwa 1Kor. 1:18, ndelene otali xulile momwenyo mupe menyumuko.

Jesus okwa file shili, ina kambuka. Oye okwa makela oululu weflyo loovenevene. Onghee enyumuko laye oloshili. Oye okwa dja mo mombila e na omwenyo mupe. Hashilulu, osheshi oshilulu kashi na omakipa. Luk.24:39. Oshilonga eshi shaKalunga itashi dulu okufatululwa kokatalekonawa komesho a nyika okuxula po. Haaunongononijwopanhau tau dulu okuholola oushili. Washo. Oshilonga eshi otashi monika nomesho eitavelo, oo itaa fifimana eenghonopangelo daKalunga. Uhee na eitavelo, ku dulu okuuda ko enyumuko laKristus.

Enyumuko eli laJesus otali ti shike? Oye ota twikile natango oilonga yaye kombada yedu nonena, ngaashi tashi hololwa membo loilonga yOvayapostoli. Lukas omunyoli wembo eli, ota ti, kutya ehokololo laye lotete, okwa hokolola osho Jesus a tameke okuninga nokulonga manga ina fya. Ehokololo etivali, otali popi oilonga yaJesus, a nyumuka oyo te i longifa ovatumwa vaye moku va pa eenghono dOmhepo Iyapuki.

OoKaifas nooPilatus noovakwa, ova li va kendabala ngeno okuxulifa po oshilonga shaJesus, ndele ova dopa - Jesus a nyumuka. Hano enyumuko laJesus olo ongonyo ya kola moshipala shomwitaveli womahapu oshinanena taa ti: "Kalunga okwa fya." Kalunga ina fya, oku na omwenyo, ndele ota longo fiyo onena.

ENYUMUKO LETU: Enyumuko olo ewapaleko laasho sha hanaunwa po, ngashi nda tumbula nale, kutya kape na enyumuko inali tetekelelwa keflyo. Eshito laKalunga ola wila menyonauko. Neshikulafano kombada yedu, kali po vali. Fye ava twa shashelwa madina laKristus, otwa pakwa pamwe naye mokufya, onghee ohatu nyumuka yo pamwe naye. Jesus oye omutoti wenyumuko noye omuyandji walo. Pamwe naye ohatu hepekwa, ohatu nyumunwa nohatu vadimiwa.

(Absalomo Hasheela)

@@@@@@@

@@' @@@





## IIMALIWA INA YI YA

### MOMEYA

"Aagandji yiimaliwa yetungo lyo-shinyanyangidho otaa ka dhimbulula, kutya iimaliwa yawe inaayi kanena momeya, ihe etayi ka yambula po oshigwana shika."

Osho omumbisofi Leonard Auala a lombwele ongundu yaatungi yOshinyanyangidho oshipe shOngerki yOwambokavango.

Efano pombanda ongundu yaatungi oyi li nokuli miilonga, manga pevi omumbisofi ta monika a yelutha ondhopi te yi gwayeke omunoko ndjoka ta ka tenteka lwotango komukanka.

"Kalunga na kandule po omikithi niiponga mu yakule oshigwana sheni sigo twa ka dhaneni oshituthi shetungo alihe sho lya pu."

Osho omumbisofi e ya lombwele





Epangelongerki lya thikamena omikanka dhOshinyanyangidho nokuimba: Kalunga oye egameno, matati wo negonga - eimbile lyehempululo lyeitaalo. Kolulyo lela omumbisofi Auala.

#### ETUNGULULO LYOSHINYANYANGIDHO

Ondhopi yotango metungululo lyOshinyanyangidho shOngerki onkwaEvangeli paLuther yOwambokavango nOsitola yOmambo, oya tentekelwe komukanka komumbisofi gwongerki ndjoka, dr. Leonara Auala eti 18.3.1974.

Pamwe nomupehawilikingerki omasitagongalo Kleopas Dumeni, omukuluntutumwa gwihangano tumo lyaSoomi Olle Eriksson nEpangelongerki alihe, omumbisofi manga ta te nteke ondhopi yotango komukanka gwetungo enene pOniipa, ongundu ayihe otayi imbi ovelise 3 yeimbilo 168 mEhangane.

- Uuyuni nando u udhe oosatana pombanda, ya hala ye tu mane po, Tse katu na uumbanda .....

Tatekulu omumbisofi okwa hokolola wo pafupi etameko lyiilonga yOshinyanyangidho uuna sha tamekele mpaka 1901, sigo sha gandjwa kEhangano tumo lyaSoomi miikaha yOngerki. Okwa ti kutya epyo lyOshinyanyangidho olya hwameke ohole yaana yaKalunga meni nopondje yOngerki, ya gandje iimaliwa yetungululo.

"Nomanga nokuli omumvo inaagu tsakana, otatu tameke etungululo tu na enyanyu nomukumo." Osho a ti.

Oshinyanyangidho osha yakulile oshigwana shOwambo nOngerki yaElok miilonga yayo omimvo 72 manga inaashi fikwa po kaatondi eti 11.5.1973. Omuwilikingerki Auala mokupandula aagandji yiimaliwa yetungululo, okwe shi koleke, kutya mboka ya gandja otaa ka za momalimbililo, kutya inaayi kanena owala momeya.

Iimaliwa yawo otayi ka longa mpaka notayi ka yambula oshigwana shika. Manga oshitudhi shika inaashi halakana, omumbisofi okwa halele aatungi ayehe ukolele neyambeko osho wo mboka taa ka hokolola oshiningwanima shika.



## ENYUMUKO TALI HOLOLWA

Oshilongayakule shomukainhu, ohole yaye, olukeno, ombili nonghenda yaye otai menika manga tave lipiula eshinwi voo tave likocna ehodi, eshi ohaluka ewi 10-mwene eli uditike mokati kavu: Mwa penduka?

Ou a nyumaka koufi eye oku shii natango elaka lovanhu. Oha tongola omafimbo meshito laKalunga. Jesus konima yombila e li natango povanhu, e nakonasha navo, e va uditile onghenda. Nepopifo eli, Jesus okwa hala okuhanga moule weemwenyo davo.



Lwotete konima yanyumuko eshi eengolo dovakainhu da twa medu koshipala shaJesus. Eshi ovalumenhu eve shi ningile pedalo laye, ndele she va nyenga penyumuko. Ovakainhu ava vavali ova dimbulukwa, kutya OMUFITA WASHILI OMO E LI MOKATI KAVU.

Jesus ota yandje oshilonga kuvu: "Indeni, ke va lombweleni." Nopenyumuko laJesus oihongi nouhongwa owa lunduluka, ndele pwe uya omwainafana ou tau longe-kidilwa enhele yoshakeneno. Ehala laye olo eli, kutya e liholole kuaveshe, ndele ava omulongo naumwe ove na oku mu mona nomesho avo nokukuma neenyala davo.

Paife eitavelo letu ola kangamekwa kehokololo lavo lohili. Ohatu itavele Jesus e li mokati ketu.

Pamwe nonghundana yehafo, yenyumuko, oku na yo onghandjifinghundana pupulupaleke enyumuko. Manga vamwe tava eta ouyelele, vamwe otava eta omalimbililo. Olyelye mbela ita hambelele eshi enyumuko la hololelwa ovadinwa? Ndele anyeme eshi ovalikakutiki ve likukutika fiyo osheshi ve shi limonena.

(Paulus Heita)



OSHIPOTHA SHOMADHENGU SHA KANA, OMUPANGULI A GAMA KOMALENGA

OMUPANGULI F.H.BADENHORST, mOvenduka, okwi igameke komalelo giilongo sha-  
Ndonga noshUukwanyama omolwomadhengo gaantu mOwambo, pwaa na epulakenwo.  
Osha zi mohofa yopombanda mOvenduka omasiku ngaka.

Mehokololo lyompangu ndyoka lya gandjwa, omupanguli Badenhorst ota ti, kutya  
oshi li lela paveta nkene uuthemba womuntu gumwe paugumwe we itau vulu oku-  
longithwa kugulwe medhina lye. Osha li oshinima shoonakudhengwa yoyene ya  
pule ehulithopo lyomadhengo, hamumbisofi Wood, aawe.

Oshipotha shomadhengo gaantu mOwambo, aalumentu naakiintu sho ya dhengelwe  
komalelo giilongo ya tumbulwa, osha falelwe mohofa ndjoka komumbisofi gwa-  
Anglikani Richard Wood, gwaVenduka pamwe nomumbisofi gwaElok, dr. Leonard  
naThomas Kamati gumwe gwoonakudhengwa. Osha ningilwe omumvo gwa yi.

Etamaneko olya li ndyoka, kutya kape na oveta tayi popile omuntu a dhengwe  
omapokolo ge vule lo, a hulwa. Osho sha ningilwa mbaka  
Kape na oveta tayi popile omukiintu a dhengwe. Osho sha ningwa komalelo  
ngoka.

Kape na oveta tayi p pile omadhengo ga ningwe montaneho yaayehe. Osho sha  
li sha ningilwa oonakudhengwa mpaka. Nongele ya dhengwa omoluupolotika,  
omumbisofi Wood ota ti, kutya oyo iilyo yoongundu (oSWAPO na DEMKOP) dhi li  
natango miilonga.

Omupanguli Badenhorst okwa tindi ehokololo lyahahende David Soggot gwaJo-  
hannesburg, ngoka kwa li e lilepo aafali yoshipotha shika mohofa, kutya  
ookuume naakwazimo ohaa vulu okuziminwa ya kwathe mpoka emanguluko lyomuntu  
li li momaipulo.

Oshipotha sho sha kana ngeyi, aambisofi Richard Wood, dr. Leonard Auala  
na Thomas Kamati oyo<sup>ya</sup>/lombwelwa ya futile iilonga ayihe yofiofa ya ningwa po  
omolwoshipotha shoka.

Hahende C.J.Mouton S.C. oye kwa li e lilepo omalelo giilongo taga tamanekwa.

@@@@@@@@

EYALULO LYOMALIKO MOMAGUMBO

Elongekidho oli li po enene ngashingeyi  
mooyene yiikandjo noyomikunda mOwambo  
ayihe, opo ku yalulwe shoro sha likolwa  
mpoka shi thike naampoka hashi zi.

Ehangano lyedhina B E N B O, paziminino  
lyaakwaniilwa nomalenga, otali ka kunda-  
thana nAawambo yomayovi ogendji okupula  
shono hashi ya hupitha, nkene hashi ya  
hupitha naampoka hashi zi.

Elalakano ndika, patseyitho lyehangano  
ndyoka, okumona uyelele wokupendula po  
omavigumbo palikolo (ekonomie)

Egumbo kehe tali ka adhika kekonakono  
ndika, otali ka kala nokambo kalyo l'ene  
komapandja 15, moka tamu yamukulwa a-  
shihe shono hashi liwa nenge hashi liko-  
lwa megumbo okuza kiiliwa yomepya nome-  
gumbo sigo kumbyoka yokelundu. Niinuwa  
okuza kontaku sigo okengandja.

Iiliwa niinuwa yoshingolo oya yalulilwa  
mo wo mekonakono ndika.

Aapuli naaudhithi yuumbo mbuka, mboka

oyendji ngiika taa ka kala aalo-  
ngisikola, oya indikwa okupula  
komuntu shaangoka yoyene ya hala.  
Oshinyolwa shomapandja 8, otashi  
pewa kehe gumwe ta ka longa oshi-  
longa shoka medhina lya "Benbo"  
notashi ningi omuwiliki gwe nkene  
e na okulonga.

Mwene gwomukunda oye awike e na  
uuthemba wokugandja edhina lyaa-  
ngoka e na okupulwa.

Aawambo ayehe taa ka adhika koma-  
pulo konakono ngaka, oya indilwa  
kehangano ndyoka ya gandje uye-  
lele wa gwana, opo yaa fale eko-  
nakono ndyoka pombambo.

=====

ONIIPA: Omumbisofi L. Auala okwa  
tameke ngashingeyi efudho lyoo-  
mwedhi mbali. Omuyakuliwilikinge-  
rki Rev. K.Dumeni oye ta humbata  
ngashingeyi oshimpwiyu ashihe.

@@@@@@@@  
@@@@@@@@  
@@@@@@



WA TUMU TUU EINDILO LYOYE?

Okangundu koesikola mElele, sho ka gongala lwahugunina eti 13.10.1973 mOniipa, moshitokolitho shako oshitine, oka ti: "Omaindilo guustipendi oge na okuthika nembelwa ya ELOK, manga eti 31 Juli inaali thika. Oshigongi shokutala noku-tokola emaindilo nashi ningwe mAuguste."

Nonando eindilo lyoye kalya li lya zimiswa 1973, ou na ompito natango oku li tumununa ko ishewe. Okus shi ninga mbala, osho oshihwepo shi vule okutokelwa. "Waa umbaumba ku li mutse gwakadhila." (Amushanga gwokangundu)

"Omolwontalanteni, inatu yonwa po"

Eichholz a tidhwa po



Otandi haabelele Omwa Kalunga ketu nguka e tu nakula mo mese lyombadhilila, nga-me nooyakwetu yane manga twa adhika tatu zi mOwambo tu uka kJushiuba 3.9.73.

Mefano:  
T.S.Nalupe

Omitumwa Klaus Eichholz, omulongi mOseminali yunteologi mOtji-mbingwe, okwa lalekwa po kEpangelo lya S.A. omasiku ngaka a shune kaundjawa kuNdowishiland.

Omusita Eichholz okwa longo mpaka omimvo 8 nokwa pewa ashike omasiku gatano gokumanga iini-ma ye. Etompelo inali popiwa.

Omusarana Eichholz oye gumwe gwaatumwa oyendji ya tidhwa moshilongo kepangelo omumvo gwa yi, inaa lembwelwa shano tashi ya tidhitha.

Oye okwa li wo oshilyo mEpangelo-ngerki lya ELK.

+++

Omolwontalanteni yOmwa, inatu yonwa po natango, oshoka esilohenda lya inaali hula po. Olyo epe kehe ongula muedhiginini we owindji.

Tu ikonakoneni oondjila dhetu noku dha ipulathana, tu galukile kOmwa Kalunga ketu, oshoka katu shi shi ethimbe no-tundi Omwa gwetu a hala oku tu zimbulala.

Omwenyo dhetu nomalutu nando ya hupithwa ngeyi, oshihanto inashi tumwa we. Omwenyo gwomuntu ogu vule shoka. (Ev. T.S.Nalupe)

+++++

Mukere aasitagongale 6 oya tulwa mondholongo. Yane yomuyo oya pewa omvula 15, nooyakwawo omimvo 10.

Oonkundana dhomahepsko otadhi uyika wo muAmerika lyomumbugantu nomuRusland omolweitaalo tali tulwa milonga ye-siku kehe kaakrista.

OMUKWETU

Oye oshifo shOngerki onkwaevangeli pa-Luther yomwambokavango. Ohashi nya-nyangidhwa mOniipa.

Omakuluntu gwoshifo dr. L. Anala, amushanga gwoshifo Rev. S. Ekandjo Ondando yoshifo komumyo muSuidwes nomu-Afrika alihe R 1,00 kombanda yomafuta R 2,00

Ondando nomambesitelo naga tumiwe ko-mukwetu, Oniipa, P/Bag 2013, Ondangwa

Omatseyitho aqhehe gomuntu mwene ote ga futile

Owambokavango Church Press  
Private Bag 2013, Ondangwa SWA